

199
42.

DEO OPTIMO MAX. UNI ET TRINO,

VIRGINI DEI-PARÆ, ET S. LUCE,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,
*manè discutienda in Scholis Medicorum, die Jovis tertiâ mensis
Martii, Anno Domini M. DCC. LXIII.*

M. CLERIADO VACHIER, Doctore
Medico, Præside. *

An Diversis Temperamentis diversus rerum non naturalium usus?



I.



ER ubiquè circumfusus non paucas alterationes à cælo, anni tempestate, solo, mari, paludibus, fluminibus, meteoris, exhalationibus mutuatur. Hinc ætuans, frigidus, gravis, siccus, levis, humidus & inquinatus evadit, pro ut una aut altera ex causis eum immutantibus operatur. Obnoxium tot vicissitudinibus fluidum illud necessariò corpora ambiens, eadem multifariam afficit. Edulia ex cerealibus, oleribus, leguminibus, avium familiâ, quadrupedum grege, piscibus maritimis, fluviatilibus, paludosis deprompta, variis condimentis referta, variâ arte parata apponuntur; ex his quædam digestionis vices facillè patiuntur & nutritionis munia liberaliter adimplent, dum quædam organis & succis digestivis reluctantia, operosius fluidis & solidis assimilantur; alia liquorum consistentiam adaugent & vasorum texturam refocillant, alia fluidorum motum & solidorum elaterem intendunt, alia humorum moleculas tenuiores & vasa obsequiosiora conciliant. Aquæ pondere, munditie, miasmatibus heterogeneis in suo sinu reconditis inter se dispares, succi ex uvis & fructibus expressi, cerevisiæ, liquores ardentes potentiorum fundunt latices ed dissimiliores in corporibus præstituros effectus, quod dissimilioribus scatent dotibus. Vigiliâ & motu tenduntur solida, atteruntur, tumultuariè agitantur fluida, horum pars tenuior dissipatur, avolat. Somno & quiete solidorum compages relaxatur, fluidorum motus tum progressivus tum intestinus æquabiliter peragitur, omnium reparatio perficitur. Ira, furor corpus excruciant, vesanus amor interdum corporis molem summopere movet, aliàs hanc inertem tenet, spes, desideria reciprocâ fluidorum & solidorum actionem promonent, mortificia, timor humorum suffocant circuitum, meditatio diuturnior & perversa nervos ad spasmus ducit, animi torpor & segnities, corporis easdem affectiones trahunt. Excretiones oris, narium, cutis & alvi providæ naturæ beneficio superflua, corpori nocitura amandant; sed haud infrequenter male-fusâ arte, sanitati essentialia, retinenda absumunt, quod quidem non pauci proprio Marte nares & os nicotianæ usu irritantes aut evacuationes alias sollicitantes experiuntur.

* *Theſeos Autore, anno 1755.*

Hæc omnia vitæ pabula, rerum non naturalium constituunt classes quarum quævis diversissima, planè opposita continet; attamen his omnibus absque salutari delectu obtemperant homines; hinc morborum cohors quæ sanè non debaccharetur, si unusquisque pro ut sua postulat constitutio, res non naturales adhiberet.

I I.

TEMPERAMENTUM quodlibet ad vitiosum propendet excessum quem antiquiores intemperiem dixere. Ea etenim est fors structuræ humanæ ut se ipsam destruat; quod ut præcavetur quantum hygieinem penes est, cautissimè perpendendum quodnam in quavis constitutione imminet vitium. Hæc in scrutatione Halleri vestigiis non insitendum, præstantissimus Autor (a) accuratè minùs vitæ propriis viribus labantis causas assignat, in medium proferens vitam reciproca solidorum & fluidorum attritione destrui. Adversatur hujus sententiæ senio confectorum observatio, quæ constat solida & fluida in illis longè crassiora quam in pueris & adultis superesse. Verùm jam propugnatum fuit nostrâ Thesi Physiologicæ humores in constitutione sanguineâ tenuissimos permeare solida gradalia & maximè pervia; in phlegmaticâ constitutione fluida spissa, malè mixta, seri & pinguedinis molem stagnare intra vasa debilia & laxa; in constitutionibus biliosis & melancholicis sanguinem coagmentari moleculis, crassis, duris, compactis minima per vasa rigida vix ac ne vix quidem meabilem, nervos in iisdem constitutionibus summo-perè tendi. Porro haud perarduum assignare labes ad quas nituntur supra laudatæ constitutiones simplices. Si quidem in constitutione sanguineâ humorum tenuitas eorumdem dissolutionem minitur & solidorum fragilitas eorum rupturam portendit, indè hæmorrhagiæ, inflammationes hanc constitutionem non rarò divexant. Fluidorum spissitudo, seri exuperantia, solidorum laxitas obstructions, hydropes in phlegmaticis pertimescendas nunciant. Biliosi & melancholici ad passionem hypochondriacam, marasum proclives propter nervorum tensionem, vasorum rigiditatem & fluidorum molecularum crassitiem præjudicantur. In constitutionibus compositis una ex prædictis simplicibus dominium tenet, idcirco ad illam attendendo aliis tamen non contemptis levi operâ patefiet quid mali sit in procinctu.

I I I.

VARIIS constitutionibus impendentes morbos remediorum triplici farragine removere non tentandum; quoniam etenim minitans causa continuò afficiat, remedia continuò usurpanda venirent, idèò vita jugiter amaritudine & doloribus flagraretur, & ex eo quod remedia functiones perturbent, morbus cum sanitate vices alternas ageret. Idcirco nequaquam saluti consulunt qui variis appetitibus impunè servire, & sanitatem tueri existimant: modò ipsis diætæ, purgationes, stomachica, venæ-sectiones in præstò sint. Reapse diætæ post nimias ingurgitationes, à gravissimis morbis helluones arcet, aut ipsis favet ut opiparis epulis voraciùs accumbant; at verò vicissitudinibus tam adversis admodum patitur natura. Stomachica digestiones accelerant, appetitum erigunt, succorum gastricorum secretionem adaugent, at lapsu temporis plethoram accerfunt, humorum acrimoniam inducunt. Purgationes & venæ-sectiones quas quidam, indicatione nulla jubente, sed prospicienter, inquirunt, sibi celebrandas amant, non rarò sanitatem summoperè lædunt. Ergò medicamina, tanquam anchora sacra, ad vitam contrà morborum procellas fulciendam recondantur, & sanitatis tutamina ex puris fontibus qui æternitate oblectent & utilitate alliciant, hauriantur. Summa hæc bona ex aëris, cibi & potûs delectu, mortis & quietis, somni & vigiliæ dispensatione consentaneâ, turbulentorum animi pathematum compressione, excernendorum evacuatione, & retinendorum custodiâ percipiuntur. His enim cuilibet constitutioni congruè adhibitis, humores tenues nexum inti-

(a) Haller.
not. § III.

miorem adipiscuntur, fibræ graciles, crassiores evadent, fluida spissa attenuabuntur & fluxiliora fient, vasa debilia & laxa robore & elasticitate micabunt, fluidorum molecule duræ & crassiores mollescent & minuentur, nervi nimium tensi & solida rigidiora relaxabuntur, digestiones pro votis succedent, omnes functiones facili, constanter, lætè peragentur. Unde inflammationes, hæmorrhagiæ, obstructions, hydropes, hypocondriacæ & hysteriæ passiones, febres intermittentes, putridæ, malignæ prævertentur & omnium serè morborum adventitiorum caterva procul amovebitur, & consequenter vita sanitate pollens nestoreos annos transcendet.

I V.

RECENSITIS variis imò oppositis dotibus quæ varias constitutiones compingunt, easque varia in pericula mittunt; assignatis rebus sanitati sustentandæ necessariis quæ suâ diversitate corpora diversimodè afficiunt, hanc constitutionem sanam foveri, cui res non naturales adhibentur, quarum energiâ fluidis & solidis impendentia vitia longè submota arcentur, cuinam perspicuum non est? Optata hæc meta non attingetur nisi applicatione therapeutici axiomatis, *contraria contrariis tolluntur*, quod etiam hygienem decet. Hoc criterio, cuilibet constitutioni consentaneus rerum non naturalium usus præscribendus, quantum arcti Theſeos sinunt cancelli.

Sedem ac domum sub cælo puro, temperato sibi deligant sanguinei, vescantur alimentis crassiori succo donatis, idcirco bovillis carnibus, vervecinis, suillis, leporibus, columbis, anatibus & aliis carnibus nigris, vulgò, assatis & elixis indulgeant; ova, legumina, pisces maritimos & fluviatiles, oleo, aceto, sale paucò conditos comedant, olera quæ perspirationem aut diuresim augent, asparagus, v. g. cinaræ capita, apium, chærephyllum, scorzonera, cichorium amarum non frequenter usurpent, fercula ipsis apposita condimentis acribus qualia sunt tubera, fungi, cariophyllum, cappares, cinnamomum, nux moschata, &c. nunquam ornentur; modicè vinum nunquam merum epotent; corpore moveantur; crebrò reputent; caveant ne algido frigore cohibeatur perspiratio, nec æstuant calore, vigiliis, laboribus immodicis retinenda absumantur. Hoc vitæ genere humores consistentiam quæ nullas dissolutiones pertimescendas invehet, adipiscuntur, solida crassitiem quâ humorum impetui absque rupturâ obstant sibi parabunt, & ipsi sanguinei minùs petulantes, memoriâ firmiori & iudicio exquisitiori insignientur.

Aere sicco gravi & calido afficiantur phlegmatici, cibos moleculis actuosius divites assument. His dotibus carnes vervecinæ, galli, gallinæ, capones haud saginati, annosæ perdes exornantur, carnes assatas & condimentis acribus, non infrequenter refertas eligant, legumina, olera refrigerantia & incrassantia linquant, ut incalcescentibus & attenuantibus indulgeant, pisces salso, vino coctos nec oleosis, nec acidis, verum aromatibus conditos edant; rarò bibant at merum, à prandio coſeam hauriant, liquores ardentis non semper respuant; ambulatione, cursu, venationibus ducantur, litteris assident; somno & quieti non molliùs cedant; narium & oris secretiones tabaco promoveant. His omnibus humores commoti attenuantur, luxurians serum in auras urgetur, vasorum elasticitas & robur exsurgunt. Undè pinguetudine non laborabunt, illorum viscera glutinosi non intumescunt, serosa colluvies cavitates non distendit, verum robustiores, alacriores phlegmatici corporis & ingenii exercitiis aptiores elucescent.

Levis aer nec æstuant, nec frigidus quem flumina limpida nebulis imprægnant; macilentis, rigidis biliosis & melancholicis faver; vitulinis carnibus, agninis, pulis, corurnicibus, rusticulis, phasianis, silvaticis gallinis junioribus, lautis aviculis decoratâ illorum mensâ reficiuntur, ova sorbilia, lacticia, olera refrigerantia,

relaxantia, edulcorantia; in illis optatos effectus præstant; quantum biliosis & melancholicis vina generosa, liquores ardentes, coffea, chocolata, tabacum, condimenta acria nocerent, tantum ipsis largus aquæ paucissimo vino tinctæ potus, cerevisiæ molles, balneationes serum suppeditantes, sanguinis moleculas solventes, vasorum crispaturas tollentes, & acidula condimenta humorum rarefactiones, alkalescentias suffocantia profunt; fabulæ hilares, nugæ, comica, eos è severis meditationibus eximunt; equitatio, vectio in rhedâ, ambulatio, litterarum studia intermittendo, eosdem ad quietis & somni blanditias alliciunt.

Constitutiones compositæ triplici victûs ratione præscriptâ, modò huic quam ad constitutionem in ipsis dominium tenentem attinet magis indulgeant, optimè se habebunt.

V.

CIRCA res non naturales variis constitutionibus impositæ leges, ipsas tam accurant, ut non modo solida & liquida resarciant, verùm labes ipsis impendentes avertant, ut jam evictum, imò humorum crasim & vasorum indolem immutare pares sint, ita ut una constitutio iis obtemperans in oppositam transfigurari queat, quod si optandum, fiat, sin minùs, imminenti constitutioni res idoneæ adhibeantur. At verò nova vitæ norma subito non instituat, etenim sanitatem subvertit victûs imputatio subita, *licet ex malis vul. o habitis in bona putata transferit*, ut observavit Boerhaavius qui idèd consuetudinem non malè alteram naturam cognominari fatetur. Noto consuetudinis vinculo si quis, non infrequenter contingit, rebus ipsi perniciosi assuetus comperiatur; sensim & sine sensu à prava consuetudine deflectat, ut constitutio ipsius supra præscriptis, non secus ac ab ætate & sexu iussis, nec non iis, quæ dum de anni tempestatibus observanda commendat illustrissimus antiquus Decanus (a), feliciter obtemperet.

(a) J. B. L. Chomel, Qu. Cardin. An hygieine pars Medicinæ utilissima? Ann. 1743.

Passim plurimos apud autores, & cœli, & alimentorum potulentorumque, & corporis ac animi exercitiorum mutatione sapissimè sanitatem valentior fieri obvium est. Ast velut spectatores otiosi illorum phænomenon causas haud inquirentes eas silentio habent; hæc attamen non supra intellectum inter abstrusissima naturæ latitant; illorum dilucidatio fuit ex rebus non naturalibus notis & constitutionum theoriâ; si quidem cœli mutatione magis ac magis viget sanitas, quotiescumque sedem commutans in aerem ejus constitutioni magis faventem prodit; alimentorum & potulentorum mutationes in constitutionibus compositis necessariæ sunt, & in simplicibus salutares, ubi his noxia paulatim deferuntur ut prospicientia comparentur; biliosi præsertim & melancholici in quibus objectorum variatio fibrarum nervearum tensionem minuit, animi & corporis exercitiorum mutatione recreantur, hilares enim evadunt si sepositis litteris, meditationibus, curis, venationes, ludos insequantur. Hæc ab autoribus relata, sententiæ exposte admodum consona, conclusionem suffulciunt.

Ergò Diversis Temperamentis diversus rerum non naturalium usus.

Proponebat Parisiis FRANCISCUS PORTIER, Lavallæus-Cenomanensis, Doctor Medicus Andegavensis, necnon saluberrimæ Facultatis Medicinæ Parisiensis Baccalaureus. A. R. S. H. 1763.

A SEXTA AD MERIDIEM.